

Leikskólinn Birkilundur



Ársáætlun
veturinn 2020-2021

Efni bæklingisins

Velkomin í Birkilund.....	2
Starfsfólk	2
Viðtalstímar deildarstjóra:	3
Markmið Birkilundar er	4
Skólastarfið	4
Dagskipulag á Könglalandi	5
Dagskipulag á Kvistalandi	5
Dagskipulag á Reynilandi	6
Starfið á deildunum.....	6
Reyniland.....	7
Kvistaland	8
Könglaland.....	9
Opið milli deilda og ferðir milli húsa	9
Viðfangsefni í hópatímum	10
Vettvangsferðir í rútu.....	11
Samstarf leik- og grunnskóla.....	11
Stoðþjónusta.....	12
Foreldrafundir og -viðtöl.....	13
Skipulags- og námskeiðsdagar - leikskólinn lokaður	13

Velkomin í Birkilund

Opnunartími 7:45-16:15

sími 4538215

sími á Reynilandi 5718215

netfang: birkilundur@skagafjordur.is

heimasíða: <http://birkilundur.skagafjordur.is>

netfang á Könglalandi: konglaland@skolar.skagafjordur.is

netfang á Kvistalandi: kvistaland@skolar.skagafjordur.is

netfang á Reynilandi: reyniland@skolar.skagafjordur.is

Starfsfólk

Steinunn Arnljótsdóttir er leikskólastjóri í 100% stöðu. Er að jafnaði með viðveru á Reynilandi á mánudögum og fimmtudögum kl 8:15-9:00.

Linda Björnsdóttir deildarstjóri á Könglalandi vinnur 4 daga í viku í 89,2% stöðu.

Fanney Friðriksdóttir leikskólaliði á Könglalandi vinnur 4 daga í viku í 81% stöðu. Hún sinnir stuðningskennslu.

Bogdís Hermannsdóttir leikskólaliði vinnur á Könglalandi eftir hádegi alla daga í 49,9% stöðu.

Sigríður M. Helgadóttir er deildarstjóri á Kvistalandi vinnur alla daga í 100% stöðu. Hún er staðgengill leikskólastjóra.

Hanna Björg Hauksdóttir leikskólaliði vinnur á Kvistalandi 3 daga í viku í 68,7% stöðu.

Ingibjörg Skarphéðinsdóttir leikskólaliði á Kvistalandi vinnur 4 daga í viku í 89,2% stöðu. Hún sinnir stuðningskennslu.

Kristín Rós Unnsteinsdóttir vinnur á Kvistalandi alla daga í 94,1% stöðu.

Guðbjörg Sigfúsdóttir deildarstjóri á Reynilandi vinnur alla daga í 89,2% stöðu.

Guðrún Ólafsdóttir leikskólaliði á Reynilandi vinnur 4 daga í viku í 82,9% stöðu..

Jóhanna Sigurðardóttir vinnur á Reynilandi 3 $\frac{1}{2}$ dag í viku og hálfan dag á Könglalandi. Hún er í 89,2% stöðu.

Regína Jóhannesdóttir vinnur á Reynilandi alla daga í 100% stöðu.

Selma Guðjónsdóttir leikskólaliði á Reynilandi vinnur 4 daga í viku í 95,5% stöðu.

Elísabet Þóra Alfisdóttir matráður vinnur alla daga í 72,9% stöðu.

Bogdís Hermannsdóttir, ræsting vinnur alla daga í 40,6% stöðu.

Guðrún Björk Baldursdóttir, Ragnheiður Lára Brynjólfsdóttir og Kristín Hanna Ásbjörnsdóttir koma í afleysingar í forföllum.

Kristín Halla Bergsdóttir, tónlistarkennari, er með tónlistarstundir á þriðjudögum frá miðjum september til páska.

Þó starfsfólk sé skráð á tiltekna deild getur verið að það vinni að staðaldri eða í afleysingu á annarri deild.

Viðtalstímar deildarstjóra:

Guðbjörg mánudagur kl 12:30-13:30

Linda miðvikudagur kl 12:30-13:30

Sigríður mánudagur kl 8:10-9:10

Markmið Birkilundar er

- Að veita börnunum tækifæri til þess að læra og þroskast í gegn um leik.
- Að efla félagslega færni barna.
- Að stuðla að andlegu og líkamlegu heilbrigði barna.
- Að efla málproska barna.
- Að styrkja sjálfsmynd og efla sjálfstæði barna.
- Að kenna börnum að virða náttúruna og njóta hennar.

Til þess að ná þessum markmiðum er á hverjum degi gefinn góður tími fyrir sjálfsprottinn leik, boðið er upp á fjölbreyttan efnivið til að vinna með, unnið er með sérstök viðfangsefni í minni hópum og við nýtum verkfæri eins og SMT, Stig af stigi, Leikur að læra, Tákn með tali, Læsi í leikskóla og könnunarleik (sjá Upplýsingarit).

Skólastarfið

Skóladagatal þar sem fram kemur hvaða daga leikskólinn er lokaður, hvenær starfsmannafundir eru haldnir og ýmsir viðburðir í skólastarfinu má finna á <https://birkilundur.skagafjordur.is/static/files/gagnabanki/skoladagatal/leikskoladagatal-2020-2021-ny-utgafa-haust-2020.pdf>

Vegna Covid-19 verður samstarf við foreldra með öðrum hætti en venja er þar sem ekki er hægt að bjóða þeim í heimsókn í leikskólann á meðan fjarlægðartakmarkanir eru í gildi. Verður því að koma í ljós hvort hægt verður að bjóða foreldrum að taka þátt í einhverjum viðburðum þetta

skólaárið. Á öskudaginn verður grímuball, köttur sleginn úr tunnum og boðið upp á snakk og popp. Síðast í maí eða byrjun júní höfum við Reykjarhólsdag. Þá er gengið á Reykjarhólinn. Aðrar ferðir og viðburðir eru kynnt þegar að þeim kemur. Dagskipulagið mótar ramma um starfið. Það er mismunandi eftir deildum þar sem þarfirnar eru breytilegar eftir aldri barnanna.

Dagskipulag á Könglalandi

07:45 leikskólinn opnar á Kvistalandi
 08:00 leikur á deild
 08:15 leikur/morgunmatur
 08:45 leikur á deild
 10:00 ávaxtatími
 10:15 hópastarf
 11:15 söngur/samverustund
 11:45 hádegismatur
 12:20 lestur/róleg stund
 13:00 útivera
 14:45 síðdegisdrykkur
 15:20 leikur
 16:10 deildir sameinast á Könglalandi
 16:15 leikskólinn lokar

Dagskipulag á Kvistalandi

07:45 leikskólinn opnar á Kvistalandi, leikur
 08:10-8:45 morgunm./leikur
 09:10 hópastarf
 10:00 ávaxtatími
 10:15 útivera/leikur
 11:25 samvera/söngur
 11:45 hádegismatur
 12:10 hvíld/samverustund
 13:00 útivera/frjáls leikur
 14:30 síðdegisdrykkur
 15:00 leikur/samvera/útivera
 16:10 deildir sameinast á Könglalandi
 16:15 leikskólinn lokar

Dagskipulag á Reynilandi

07:45 Leikskólinn opnar, leikur	11:15 Handþvottur, bleyjuskipti, samverustund
08:15 Morgunmatur	11:30 Hádegismatur
09:00 Hópastarf/tónlist /íþróttahús	11:50 Hvíld
09:50 Samverustund, ávaxtatími, bleyjuskipti	13:30 Leikur
10:15 Útivist	14:45 Síðdegisdrykkur
	15:10 Leikur, bleyjuskipti
	16:15 Leikskólinn lokar

Starfið á deildunum

Kennarar leggja mikla áherslu á leikinn og gefa góðan tíma fyrir hann á hverjum degi enda er hann megin námsleið barna. Í leik eflir barnið alhliða þroska sinn, en þar er m.a. um að ræða líkamsþroska, hreyfi-, tilfinninga-, vitsmuna-, mál- og siðgæðisþroska, félags og siðgæðisvitund. Leikurinn er börnunum eðlislægur og þau leika sér á sínum eigin forsendum. Í Aðalnámskrá leikskóla stendur: í leik geta börn unnið með og gert tilraunir með hugmyndir sínar og öðlast nýjan skilning og nýja þekkingu. Í leik skapast vettvangur þar sem spurningar vakna og börn leysa vandamál, sem upp koma, á eigin forsendum. Í leik eflast vitrænir og skapandi þættir. Leikurinn kallar á fjölbreytta notkun tungumálsins, hreyfingu, félagsleg samskipti og tilfinngatengsl. Leikur getur virkjað sköpunarkraft barna og löngun þeirra til að læra og afla sér þekkingar.

Útivera er hluti af daglega starfinu, hreyfing og útivera eru samtengdir þættir.

Börnin vinna fjölbreytt verkefni sem byggja á starfsaðferðum og hugmyndafræði leikskóla. Markmiðið með þessum verkefnum er að stuðla að sjálfstæði og sjálfsþekkingu barnanna og efla með þeim vináttu og samkennd.

Á fimmtudögum kl 9:15-10:35 koma nemendur í leikskólavali Varmahlíðarskóla í leikskólann. Það geta verið 3 nemendur í leikskólavali í einu, 1 á hverri deild. Þeir taka þátt í starfinu, og aðstoða börn og kennara. Auk þess geta verið 2 nemendur með skólahóp og 1. bekk í þeirra samstarfi.

Í Upplýsingariti leikskólans Birkilundar eru útskýrð ýmis verk- og námsefni sem unnið er með í leikskólanum og vísað er til í eftirfarandi umfjöllun um starfið á deildunum. *Leikur* að læra kennsluáferðin er notuð í starfi á deildum, tónlist, íþróttahúsi og útikennslu.

Reyniland

Á Reynilandi eru nú 11 börn, frá 11 mánaða til 2 ára, 4 drengir og 7 stúlkur. 6 börn eru fædd árið 2018 og 5 börn eru fædd árið 2019.

Hópastarf er þrjú daga í viku kl 9:00-9:50. Hóparnir eru Kanínuhópur, Kisuhópur og Bangsahópur og raðast börnin í þá eftir aldri. Í hópastarfi er farið í könnunarleik, tónlist, íþróttahús, unnið að myndsköpun og ýmsum öðrum verkefnum. Tónlistarstund er annan hvern þriðjudag fyrir öll börnin.

Annan hvern fimmtudag kl 9:00 fara börnin í árgangi 2018 gangandi upp í íþróttahús og hitta þar jafnaldra sína af Kvistalandi. Þessar ferðir miðast við veður og færð.

Á föstudögum er lögð áhersla á frjálstan leik, útiveru og gönguferðir.

Alla daga er lögð áhersla á að hafa góðan tíma fyrir leik og að örva málproska og æfa sjálfshjálp í leik og starfi. Í samverustundum er sungið, lesið og spjallað. Farið er yfir tákn vikunnar, staf vikunnar og orð honum tengd og börnin æfð í að þekkja litina.

Á föstudögum eru settar inn á facebook síðu deildarinnar upplýsingar og myndir um starf vikunnar.

Kvistaland

Á Kvistalandi eru 11 börn, 3 stúlkur og 8 drengir, 7 börn eru fædd 2017 og þau eru í Tröllahóp, 4 börn eru fædd 2018 og þau eru í Álfahóp. Hópastarf er alla morgna nema á föstudögum. Í hópastarfi er unnið með staf og tákn vikunnar, málörvun, stærðfræði, myndsköpun, tónlist, félagsfærni og íþróttir. Annan hvern þriðjudag eru báðir hópar saman í tónlist. Á fimmtudögum kl 9:15 fara hóparnir til skiptis í íþróttahúsið, Tröllahópur og árgangur 2016 af Könglalandi fara saman og Álfahópur hinn fimmtudaginn ásamt jafnöldrum sínum af Reynilandi.

Á föstudögum er farið til skiptis í vettvangsferðir, frjálstan leik og haft opið á milli deilda.

Könglaland

Á Könglalandi eru 16 börn, 10 drengir og 6 stúlkur. 11 börn eru í árgangi 2015 og 5 börn í árgangi 2016.

Hóparnir heita Köngulóarhópur, börn fædd 2015, og Regnbogahópur, börn fædd 2016.

Á Könglalandi er hópastarf alla daga nema föstudaga og fer alltaf fram fyrir hádegi. Í hópastarfi er unnið með staf vikunnar, málörvun, stærðfræði, myndsköpun, tónlist, félagsfærni og íþróttir.

Hóparnir eru saman í tónlist annan hvern þriðjudag frá 9:15 og Regnbogahópur fer í íþróttahúsið annan hvern fimmtudag kl. 9:00.

Köngulóarhópur fer í Gaman saman samstarf með 1. bekk Varmahlíðarskóla á fimmtudögum kl. 9:00-11:30 (sjá kafla um samstarf leik- og grunnskóla bls 11).

Á föstudögum er farið til skiptis í gönguferðir, frjálstan leik og haft opið á milli deilda.

Á hverju hausti er Hljóm 2 lagt fyrir elstu börn leikskólans (sjá Lestrarstefna Skagafjarðar bls. 20).

Börnin í elsta árganginum taka þátt í Vinadeginum og hitta þá börn í elsta árgangi hinna leikskólanna í Skagafirði.

Starfinu hjá elsta árgangi leikskólans lýkur formlega með útskrift í maí.

Opið milli deilda og ferðir milli húsa

Á miðvikudögum eftir síðdegisdrykk og annan hvern föstudag fyrir hádegi er opið á milli Könglalands og Kvistalands. Börnin

geta farið á milli deilda og valið sér þau viðfangsefni sem eru í boði.

Til að auka tengsl milli húsa fara börnin reglulega á milli og hittast í útivist, ýmist á Reynilandi eða í Birkilundi.

Viðfangsefni í hópatímum

- Myndsköpun, þar sem markmiðið er að barnið fái útrás fyrir sköpunarþörf sína, þroski með sér einbeitingu og efli samhæfingu handa og augna. Barnið endurspeglar oft í myndverkum sínum þá reynslu sem það hefur upplifað, þær tilfinningar sem bærast með því og það sem því er hugleikið. Það er t.d. vatnslitað, málað, teiknað, límt, rífið og klippt.
- Tónlist, þar sem markmiðið er að barnið þroski með sér næmi fyrir hljóðum, hreyfingu og hrynjanda í gegnum söng, hlustun (tónverk, hljóðaspil, ofl), hreyfingu (dans ofl.), hljóðgjafa og hljóðfæri. Börnin fá að kynnast ýmsum hliðum tónlistar undir leiðsögn tónlistarkennara.
- Málörvun, þar sem markmiðið er að efla markvisst hljóðkerfisvitund barnanna og búa þau þannig undir lestrarnám. Notuð eru verkefni og leikir úr bókunum: *Markviss málörvun*, *Leggðu við hlustir*, *Ljáðu mér eyra* og *Tölum saman*. Unnið er með staf vikunnar, þulur, rím, klappa atkvæði, spil, leiki, lestur og ritun.
- Hreyfing, þar sem markmiðið er að barnið fái útrás fyrir hreyfiþörf sína og að auka/efla líkamlegt úthald. Til þess

notum við leiki, *Leikur að læra*, íþróttahús, nánasta umhverfi og gönguferðir.

- Félagssfærni, þar sem markmiðið er að börnin þjálfist í að vinna saman og sýna öðrum tillitssemi og umburðarlyndi og læri setja sig í spor annarra. Unnið er með Stig af stigi í 2 elstu árgöngunum.
- Útikennsla, þar sem markmiðið er að barnið fái tækifæri til að njóta náttúrunnar og læri að bera virðingu fyrir umhverfinu. Nánasta umhverfi skólans er nýtt, meðal annars svæði í skóginum þar sem sett hafa verið upp net, kaðlar og greinakofi til að leika sér í.

Vettvangsferðir í rútu

Stefnt er að því að fara í fjöru, sveit eða á annan áhugaverðan stað í vor með 3 eða 4 árganga. Tveir elstu árgangarnir skoða Byggðasafnið í Glaumbæ og árgangar 2016 og 2017 skoða Víðimýrarkirkju.

Samstarf leik- og grunnskóla

Frá árinu 2007 hafa Birkilundur og Varmahlíðarskóli verið í samstarfsverkefninu: *Gaman saman* (sjá. *Upplýsingarit Birkilundar*, útg. 2018, bls. 9). Hefur það stuðlað að auknum samskiptum nemenda og kennara þessara skóla. Til viðbótar við það sem fram kemur í Upplýsingaritinu þá eru fyrsti bekkur Varmahlíðarskóla og elsti árgangur Birkilundar saman í kennslustundum á fimmtudögum kl 9:15-10:30 í sameiginlegri umsjá kennara Birkilundar og Varmahlíðarskóla.

Viðfangsefni þessara kennslustunda eru af ýmsum toga. Þau eru ýmist unnin í Varmahlíðarskóla, Birkilundi eða utan dyra.

Að loknum þessum kennslustundum eru frímínútur og síðan er hópurnin saman í íþróttum kl 10:50-11:30 hjá íþóttakennara Varmahlíðarskóla og kennurum úr Birkilundi.

Markmið þessara kennslustunda er að auka samfellu í námi barnanna, gefa hópnum tækifæri til þess að halda tengslum þrátt fyrir að þau séu á sitt hvoru skólastiginu og gefa kennurum tækifæri til að miðla þekkingu og reynslu sín á milli.

Stoðþjónusta

Málefni leikskóla heyra undir Fjölskylduþjónustu Skagafjarðar og fræðslunefnd. Fræðslustjóri hefur yfirumsjón og eftirlit með faglegu starfi og rekstri leikskóla. Leikskólarnir hafa aðgang að sérfræðiþjónustu frá fræðsluskrifstofu s.s. talmeinafræðingi, kennsluráðgjafa og sálfræðingi.

Ef leikskólinn getur ekki leyst úr þeim frávikum sem upp koma varðandi börnin þá fer í gang ferli þar sem máli barns er vísað til sérfræðiþjónustu fjölskyldusviðs. Send er inn beiðni með undirskrift foreldra og leikskólastjóra.

Starfsmenn geta sótt stuðning til fræðslustjóra sem er tengiliður bæði leik- og grunnskóla.

Foreldrafundir og -viðtöl

Almennur foreldrafundur er venjulega haldinn á haustin en vegna Covid-19 hefur ekki verið hægt að setja þann fund á dagskrá á þessu hausti. Tölvupóstur hefur verið nýttur til að koma upplýsingum á framfæri við foreldra.

Foreldraviðtöl þar sem deildarstjóri eða kennari barnsins fer yfir stöðu barnsins með foreldrum verða í febrúar og mars. Foreldrar geta fengið viðtal á öðrum tíma ef þeir óska þess.

Skipulags- og námskeiðsdagar – leikskólinn lokaður

Föstudagur 18. september	Haustþingsdagur (starfsdagur)
Þriðjudagur 6. október	Starfsdagur í stað fræðsludags
Fimmtudagur 5. nóvember	Starfsdagur
Miðvikudagur 23. desember	Lokað vegna starfsmannafunda
Þriðjudagur 6. apríl	Starfsdagur
Föstudagur 23. apríl	Lokað vegna starfsmannafunda
Þriðjudagur 1. júní	Starfsdagur

